

ՍՏ. ԹՈՓՉՅԱՆ—ՇԻՐՎԱՆՉԱԴԵԻ ԷՍԹԵՏԻԿԱՆ

ԴԱ Նրատարակչություն, 1963, 194 էջ

Ա. Տիրականդադեի գրական տիպերի հանրագիտարանը, Հր. Քամրազյանի «Շիրվանդադեի դրամատուրգիան», «Շիրվանդադե, կյանքը և գործը» և ուրիշ բազմաթիվ աշխատություններ ու հոդվածներ մեծ դրողի ստեղծագործության շուրջը ստեղծել են իսկական խմաստով գիտական մթնոլորտ։ Իսկ այսօր այդ մթնոլորտը ինչ-որ չափով աշխուժանում է Ստեփան Թոփչյանի «Շիրվանդադեի էսթետիկան» գրքի շնորհիվ։

Սա հարցի անդրանիկ ուսումնասիրություն չէ, նշված և չնշված աշխատությունների հեղինակները, բնականաբար, անհրաժեշտության դեպքում, տարբեր առիթներով բազմիցս անդրադարձել են նաև Շիրվանդադեի գեղագիտության առանձնահատկություններին, ցույց են տվել դրանց մասնավոր ու ընդհանուր նշանակությունը, սակայն սա առաջինն է, որի մեջ թեմատիկա դարձել է առանձին և հանդամանալից ուսումնասիրության առարկա։

Լայն է Շիրվանդադեի մտահորիզոնը։ Նրա հետաքրքրությունները արտահայտվել են ոչ միայն գեղարվեստական ստեղծագործություններում, այլև բազմաթիվ հոդվածներում, որոնք մավարությամբ կտեղավորվեն մի ամփոփ հատորի մեջ։ Գրականագիտություն, քննադատություն, թատրոն, դերասանական արվեստ, նկարչություն, հրապարակախոսություն, հասարակական կյանք, ահա այն ոչ լրիվ թվարկված բնագավառները, որոնց մասին Շիրվանդադեի գրել է արժեքավոր էջեր, գրել է նվիրվածությամբ, երբեմն սխալվել, բայց միշտ նայել է առաջ, գեկավար սկզբունք ունենալով դարի, իր ժողովրդի և արվեստի բարձր պահանջները։ Այն մըտքերը, նկատառումները, որոնք նա արտահայտել է իր հոդվածներում, փորձել և մեծ մասամբ հաջողել է իրականացնել գրական-գեղարվեստական ստեղծագործության մեջ։ Այս շատ կարևոր հանգամանքը մեծապես ընդարձակում է Շիրվանդադեի գեղագիտության սահմանները, մտքի դատողականությունը վերածում կենդանի, շարժուն էություն։

Գրախոսվող հետազոտության առաջին և ամենամեծ արժանիքն այն է, որ այստեղ Շիրվանդադեի գեղագիտական հայացքները քննվում, մեկնաբանվում, խմաստավորվում են իրենց բազմակողմանի դրսևորման մեջ՝ ոչ թե այս կամ այն ասույթի բնական հնարավորությամբ, որը ինչ-որ մի տեղ, բնականաբար, չի կարող խուսափել սուբյեկտիվիտետական երանդներից, այլ՝ այդ ասույթի և գրականության, կյանքի հարաբերության դրսևորումով։ Մա. Թոփչյանը միշտ, գրեթե միշտ ելնում է արտահայտված մասնավոր տեսակետից և զնում դեպի դրա ընդհանրական նշանակությունը, միանգամայն ճշմարիտ ճանապարհ, որն անհամեմատ խորն է բացահայտում գրողի ու գրականության այս կամ այն խնդիրը։ Շիրվանդադեին է պատկանում այն միտքը, թե «մի Պուշկին, մի Տուրգենև անհամեմատ ավելի են ճոխացրել ռուսաց լեզուն, քան հազարավոր ռուս ուսուցիչները և պրոֆեսորները, որոնք ոճ չունին»։ Եվ գրքի հեղինակը ցույց է տալիս այս և նման տեսակետների ենթարկագրային իմաստը։ Լեզուն և ոճը մասնավոր բնույթ չունեն, դրանք պայմանավորում են իրար և նրկուսը միասին պայմանավորում են մի ամբողջ շարք գրական-հասարակական խնդիրներ, Շիրվանդադեի հետամտուս է պրականության ազդային ոգու, «ազդային գրական լեզվի տարածման», ժողովրդի կյանքում գրողի դերի հարցերին, պայքարում է թքաբացած ավանդապահության, լեզվական հետամնացության, բարբարոսների անվերապահ օգտագործման դեմ, հանդես է գալիս ընդհանուր ազդային գրական լեզվի խմաստաման նախանձախնդրությամբ, նպաստում է ազգության սմրապնդման, միասնացման և բարձրացման գործին, ձգտում է հայ գրականությունը պարփակ միջավայրից հանել համաշխարհային ասպարեզ և այլն, և այլն։ Այսպիսով, լեզվի և ոճի մասին անուղղակի, սղագրական համատարադրությամբ և սեղմությամբ արտահայտված կարծիքը դիտվում, մեկնաբանվում է ընդգծված անհատականությամբ գրողի, գրականության մի որոշակի ժամանակաշրջանի առաջ քաշած և հասարակայնորեն իմաստավորված բազմաթիվ հարցերին ինչ-որ չափով պատասխան տալու միտումով։ Սա «Շիրվանդադեի էսթետիկան» գրքում միակ օրինակը չէ։

Հիրավի, անցյալ դարի հատկապես 90-ական թվականներից սկսած դրական լեզվի հարցերը դառնում են րուտ քննարկումների առարկա: Այդ հարցերը՝ կապված դրականության մեջ բարձրացնելի դոյության հետ, մեր օրերում էլ ինչ-որ չափով պահպանում են իրենց արդիականությունը, չնայած Ստ. Թովչյանը անվերապահորեն հակառակն է հայտարարում. «մեղ համառվադուց վճուված այս պահանջները...»:

Շիրվանզադեն այդ քննարկումների ամենազործունյա մասնակիցներից մեկն էր, եթե ոչ ամենազործունյան: Նա, ինչպես ասում են, զրեց և ապացուցեց: Նրա պատմվածքները և վեպերը, թատերկությունները և նոթագրությունները շունչ ու ոգի հաղորդեցին նաև միասնական գրական-գեղարվեստական լեզվի պաշտպանության դիրքերից գրված հոդվածներին: Հատկանշական է այն հանգամանքը, որ Խվիլի քան կես դար առաջ Վահան Տերյանը տեսավ և մանավանդ զնահատեց Շիրվանզադեի տեսական և գործնական լեզվամտածողությունը, ոչ միայն զնահատեց, այլև դա հուշակեց ղեկավար չափանիշ՝ գրական երիտասարդ սերնդի համար: 1914 թ. կարդացած «Հայ գրականության գալիք օրը» մեծարժեք ղեկուցման մեջ նա «ինչպե՛ս պետք է ղարդանա հայ գրական-գեղարվեստական լեզուն» հարցին պատասխանեց ի օգուտ Շիրվանզադեի և ի վնաս Սունդուկյանի: Ի տարբերություն գրական ուրիշ շատ հարցերի տրված պատասխաններին, Տերյանը այստեղ ամենից պակաս էր ծայրահեղ և ամենից ավելի էր ճշմարիտ:

Այս թվացող շեղումը ցույց է տալիս, որ «Շիրվանզադեի էսթետիկան» գրքում քննվում են գրողի գեղարվեստության այնպիսի կողմերը, որոնք համընդհանուր հետաքրքրություն են ներկայացնում և չեն կորցրել իրենց արժեքը օրերի համար: Գեղարվեստի դերը, ճարվեստը արվեստի համար՝ տեսության մասին հայացքը, հասարակության քննադատության գեղարվեստական սկզբունքների մշակումը, աշխարհայացքի ձևավորման ընթացքը, թատրոնի և ժողովրդի փոխհարաբերությունը («թատրոնը պետք է սերտ կապված լինի ժողովրդի հետ և այնտեղ հաստատի իր գոյության հիմքը, բայց ժողովրդի ճաշակը չէ, որ պետք է ուղղություն տա թատրոնին, այլ թատրոնը պետք է կրթի ժողովրդին»), բուլվարային գրական երկերի դեմ պայքարը, դրամատիկական գործողության և հոգեբանության աորնությունները՝ «Գեղարվեստը և իրականությունը» բաժնում, գեղարվեստի և հասարակական կյանքի փոխազդեցությունը, իրականության գեղարվեստական արտացոլման խնդիրները, ռեալիզմը որպես ճշմարտության չափանիշ՝ «Ռեալիզմը տեսության մեջ» բաժնում, ճշմարիտի և գեղեցիկի կապը, գրանց տարբեր մեկնաբանությունները՝ «Գեղեցիկը և ճշմարիտը» բաժնում, պատմության և գրականության ընդհանրությունները, ազգային մշակույթի յուրահատկությունները՝ «Պատմությունն ազգային գրականության կերտող» բաժնում, Շիրվանզադեի վերաբերմունքը թիմուրիզմի, իմպրեսիոնիզմի և 20-րդ դարի արվեստի ու գրական ուղղությունների հանդեպ՝ «Գեղարվեստի նոր ուղղությունները և նրանց ապագան» բաժնում, հաա այն խնդիրները, որոնք ավելի կամ պակաս հետևողականությամբ ու չափով ի հայտ են գալիս այժմ ներկայացվող ուսումնասիրության էջերում:

Քանի որ սովորության ուժով գրախոսությունը սկսվեց և շարունակվում է առավելությունների ցուցադրմամբ, նշենք գրքի մի ուրիշ առավելությունը ևս:

Ստ. Թովչյանը Շիրվանզադեի գեղագիտական հայացքները հետադուտ է մի կողմից դրանց ձևավորման որոշակի հանգամանքներում (դարավերջի և դարասկզբի գրական-հասարակական կյանք, քննադատական մթնոլորտ, մեռնող սկզբունքներ և ծնվող հավատամքներ, արվեստագետի անհատականություն, փոխազդեցություններ և այլն), մյուս կողմից՝ պատմական հեռավորությունից, գրականությանն ու արվեստին այսօր առաջադրվող պահանջների դիտակցությամբ: Առաջինը հնարավորություն է ստեղծել, որ այս կամ այն խնդիրը ներկայացվի իր բնական տեսքով, ոչ ավելի, ոչ պակաս, իսկ երկրորդը նպաստել է, որ կարևոր նշանակություն ունեցող հարցերին գրողի, թեկուզ և մեծ գրողի ամեն մի պատասխանը շնորհավոր անվերապահորեն, որպես բացարձակ ճշմարտություն: Այս վերջին հանգամանքով էլ պայմանավորված է գրքի քննադատական ոգին:

Հայտնի են Շիրվանզադեի զնահատականները իմպրեսիոնիզմին և Զուլայի «Երազանք», «Մարդ-դադանք», «Ջախջախում», «Նանա» և ուրիշ վեպերին: Նա արհամարհանքով է վերաբերվել 1874 թ. Փարիզում հուշակված, այնուհետև համաշխարհային տարածում ստացած գեղանկարչական ուղղությանը, դա որակել է «ոչ-դարուց», իր ռեալիզմի բացահայտ դիրքերից չի նկատել դրա ռեալիզմի թաքնված դիրքերը: Իսկ Զուլայի ստեղծագործությունը համարել է բուրժուական զեխ հասարակության կրքերի» արձագանք, «անբարոյական կյանքի պահանջներին» սուրբ տալու արդյունք, էժանագին հաջողություն, նատուրալիզմը, որպես գրական ուղղություն, բացատրելով լուկ անառակ բարքերի և գործողությունների բացահայտ նկարագրությամբ:

Ստ. Թոփչյանը չի համաձայնվում այս կարծիքների հետ, ցույց է տալիս իմպրեսիոնիզմի և Զոլայի վեպերի հասարակական իմաստն ու նշանակությունը, որով դրանք նոր ուզի են բացում արվեստում և գրականության մեջ:

Սակայն Շիրվանզադեն երկար չմնաց սխալ պատկերացումների ոլորտում: Նա միշտ որոնող արվեստագետ էր, և շուտով վերանայեց իր նախկին հայացքները: «Շիրվանզադեի էսթետիկան» գրքում հաջողությամբ երևան է հանված գրողի հոգևոր այս շրջադարձը: Նա արդեն ոչ միայն ըստ արժանվույն գնահատում է Մաննին և Մոնեին, այլև իմպրեսիոնիզմի մասին գրում է մեր օրերի համար էլ իրենց թարմությունը չկորցրած տողեր. «...այն արվեստն է աղեցիկ, որ կյանքի արտագրությունն է: Ըստ իս ամենահանճարեզ դասականները ամենախոռոնալիստներն են... Բեռլիզմն ինքնրստինքյան պարունակում է իր մեջ էմպրեսիոնիզմը, և սխալ է կարծել, որ անբնականը կարող է տպավորվել մարդու հոգու վրա»: «Ծշմարտության հերոսը», «Զոլան ղեպի պանթեոն», «Ծշմարտության հաղթանակը» հոդվածներում վերաարժեքավորվում է նաև ֆրանսիացի գրողի ստեղծագործությունը. «Ոչ ոք այնչափ բարեխղճորեն և հանճարեղ չի ուսումնասիրել աշխատավոր դասակարգի կացությունը, որչափ Զոլան»:

Փառքն ու հույակը փոքր ի շատն շխանգարեցին Շիրվանզադեին արմատապես փոխելու իր մոլոր հայացքները: Ստ. Թոփչյանը, սրանով իսկ, բացահայտում է մեծ գրողի գեղագիտության նաև անընդհատ զարգացման կորագիծը, որով նա բողոքում է ամեն տեսակ դոգմատիզմի դեմ:

Իհարկե, «Շիրվանզադեի էսթետիկան» գրքի ակնհայտ արժեքը նշված առավելություններով չի վերջանում, սակայն շնչված առավելությունների այստեղ ներկայությունը անգամ չի կարող մոռացության տալ մի քանի անճշտություններ ու թերացումներ, որոնցից հատկապես կրկուսի մատնանշումն ավելորդ չէ:

Հեղինակը շատ և հետևողականորեն է խոսում Ալեքսանդր Շիրվանզադեի, այսպես կոչված, էսթետիզմի մասին: Առարկությունը վերաբերում է ոչ թե շատին ու հետևողականությանը, այլ այդ էսթետիզմի գոյությանը գրողի գեղագիտական հայացքների մեջ: «Գեղարվեստի և կուսակցական գաղափարների» անջրպետվածության միտքը, «ստեղծագործական ոգու» և «ղեղեցիկ ճաշակի» առանձնացումը և նույնիսկ ստեղծագործության «գեղարվեստական արժեքի» գերազանցատուր գաղափարների համեմատությամբ՝ անհրաժեշտ չափով չեն հիմնավորում Շիրվանզադեի էսթետիզմը: Այդ հիմնավորումը չի իրականանում նաև «Շիրվանզադե-էսթետի և Շիրվանզադե-ոնալիստի միջև եղած հակասությունների շնորհիվ, որը ինչ-որ մի կարևոր տեղ գեղագիտական հակասությունից վերահանում է գրականագիտական հակասության, «հասարակական ո՛ր խավերին է նա (Շիրվանզադեն—Ն. Ա.) անվանում «ստոր, գոեհիկ ամբոխ», ո՛ւմ է ցանկանում ծառայեցնել գեղարվեստը, ինչպե՛ս է գնահատում գեղարվեստի դերը հասարակ ժողովրդի կյանքում և արդյո՞ք ժողովրդին նայում է էսթետի արհամարհանքով» (էջ 12), հարցեր, որոնց հանգամանալից մշակված և փաստերով հիմնավորված պատասխանները խոսում են ի վնաս գրողի էսթետիզմի: Ինչպես համապատասխան տեղում ասվեց, Շիրվանզադեի գեղագիտական հայացքները մեծապես հառնում են նաև նրա գրական-գեղարվեստական ստեղծագործությունների մեջ: Այդ ստեղծագործությունները ամենամիտումնավոր քննության դեպքում անգամ էսթետիզմի տարրեր չեն ցուցադրում: Դժվար չէ նկատել, որ այդ էսթետիզմի հայտնության պատճառը գրական-գեղարվեստական ստեղծագործությունների պատահական, թե անպատճանտնությունն է գրքի համապատասխան հատվածում. պատճառ, որը տեղ-տեղ դառնում է հետևանք:

Ստ. Թոփչյանը երբեմն անհրաժեշտության չափով է դիմել Շիրվանզադեի գեղարվեստական հարուստ ժառանգությանը, երբեմն՝ բավարար չափով, իսկ երբեմն էլ բոլորովին չի դիմել, երբ դրա անհրաժեշտությունը կա:

Այսպիսով, «Շիրվանզադեի էսթետիկան» ուսումնասիրությունը իր վերնթաղ և վարընթաղ ուղղվածությամբ ցույց է տալիս ու հաստատում մեծ ոնալիստի գեղագիտության նշանակությունը մեզանից առաջ և մեր օրերի համար:

Ն. ԱԴԱԼՅԱՆ